

სახელმწიფო შესყიდვის შესახებ ხელშეკრულების პროექტი

ქვემოთ მოცემული ხელშეკრულების პირობები შაბლონურია, მისი პირობები განისაზღვრება სატენდერო დოკუმენტაციის შესაბამისად და ასევე შესაძლოა მცირედით შეიცვალოს გაფორმების დროს

ქ. თბილისი

„ -- “ --- 20--წ.

ერთი მხრივ,

შპს „საქართველოს აეროპორტების გაერთიანება“ (ქ. თბილისი, სამგორის რაიონში, აეროპორტის დასახლება (აეროპორტი) ს.კ: 404 389 693) წარმოდგენილი მისი ----- სახით შემდგომში (“შემსყიდველი“)

და მეორე მხრივ,

----- (-----) წარმოდგენილი მისი დირექტორის ----- სახით შემდგომში (“მიმწოდებელი“)

‘სახელმწიფო შესყიდვების შესახებ’ საქართველოს კანონის და პრეტენდენტის ----- სატენდერო წინადადების საფუძველზე, ელექტრონული ტენდერის (სატენდერო განცხადების ნომერი: NAT----) ჩატარების შედეგად, დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

1. ხელშეკრულების საგანი

1.1. ხელშეკრულების საგანს წარმოადგენს დავით აღმაშენებლის სახელობის ქუთაისის საერთაშორისო აეროპორტის გარე ტერიტორიის კეთილმოწყობის სამშენებლო სამუშაოები თანმდევი პროექტირებით სატენდერო დოკუმენტაციისა და ტექნიკური დავალების პირობების შესაბამისად (CPV-4510000).

2. ხელშეკრულების ღირებულება

2.1. ხელშეკრულების საერთო ღირებულება შეადგენს ----- (-----) ლარს.

2.2. ხელშეკრულების საერთო ღირებულებაში შედის მიმწოდებლის ყველა ხარჯი, ხელშეკრულებით გათვალისწინებული თანამდევი ხარჯები და საქართველოს კანონმდებლობით დადგენილი გადასახადები (მ/შ დღგ), რომლის გადახდა ეკისრება მიმწოდებელს.

3. მიღება-ჩაბარების და ანგარიშსწორების ზოგადი პირობები:

3.1. სატენდერო პირობების შესაბამისად.

4. შესყიდვის ობიექტის მიწოდების ვადები და სხვა პირობები

4.1. სატენდერო პირობების შესაბამისად.

5. მხარეთა უფლება-მოვალეობანი

5.1. მიმწოდებელი ვალდებულია:

5.1.1. სამუშაოს შესრულებისას დაიცვას საქართველოს მოქმედი კანონმდებლობა, სამუშაო შეასრულოს ხელშეკრულების პირობების შესაბამისად, ჯეროვნად და ხარისხიანად;

5.1.2. უმოკლეს ვადაში მიაწოდოს შემსყიდველს მის ხელთ არსებული ინფორმაცია მოსალოდნელ მოვლენებზე ან გარემოებებზე, რომლებსაც შეუძლია უარყოფითად იმოქმედონ ხარისხზე, შეაყოვნონ სამუშაოთა ჩატარება ან გაზარდონ სახელშეკრულებო თანხა;

- 5.1.3. დაუყოვნებლივ შეატყობინოს შემსყიდველს იმ გარემოებათა შესახებ, რომლებიც აბრკოლებენ სამუშაოთა მიმდინარეობას და მის მიერ ნაკისრი სახელშეკრულებო ვალდებულებების სრულფასოვან შესრულებას;
- 5.1.4. შეასრულოს სამუშაო უსაფრთხო და ეკოლოგიურად მისაღები გზით და დაიცვას ამ საკითხთან დაკავშირებით საქართველოს კანონმდებლობით გათვალისწინებული მოთხოვნები. წინააღმდეგ შემთხვევაში სრული პასუხისმგებლობა ეკისრება მიმწოდებელს;
- 5.1.5. წინამდებარე ხელშეკრულებით გათვალისწინებული სამუშაოების მიმდინარეობის პერიოდში უზრუნველყოს მოხმარებული კომუნალური გადასახადების გადახდა.
- 5.1.6. უზრუნველყოს ობიექტზე სამუშაოების წარმოება პასუხისმგებელი პირების, ასევე შრომის დაცვისა და უსაფრთხოების ინჟინერის მუდმივი ზედამხედველობით.
- 5.1.7. უზრუნველყოს მშენებლობის პროცესში მესამე პირთა წინაშე წარმოშობილი პასუხისმგებლობის დაზღვევა;
- 5.1.8. საკუთარი ხარჯებით გამოასწოროს მის მიერ ჩატარებულ სამუშაოზე საბოლოო მიღება-ჩაბარების აქტის გაფორმებამდე გამოვლენილი დეფექტი ან ნაკლი;
- 5.1.9. სამუშაოების დასრულების და საბოლოო მიღება-ჩაბარების აქტის გაფორმების შემდეგ, თუ ეს საჭირო გახდება ექსპლუატაციაში მიღების მიზნით, დამატებით ანაზღაურების სანაცვლოდ, განახორციელოს დამატებითი სამუშაოები, რომელთა შესახებაც მხარეები დამატებით შეთანხმდებიან;
- 5.1.10. დროულად განიხილოს და აღმოფხვრას მის კომპეტენციაში შემავალი შემსყიდველის მიერ წამოჭრილი თუ სხვა პრობლემები, რომლებიც აფერხებს ხელშეკრულების შესრულებას ან რომელთა გადაჭრაც გააუმჯობესებს ხელშეკრულების შესრულების პროცესს;
- 5.1.11. მიმწოდებელის მიერ ქვეკონტრაქტორ(ებ)ის აყვანის და შემდგომში მათი შეცვლის საჭიროების არსებობის შემთხვევაში, წინასწარ წერილობით აცნობოს შემსყიდველს ამის შესახებ ქვეკონტრაქტორის აყვანის/შეცვლის აუცილებლობის მიზეზების დასაბუთებით. შემსყიდველი უფლებამოსილია, დასაბუთებული უარი უთხრას მიმწოდებელს ქვეკონტრაქტორის აყვანაზე. ამ ხელშეკრულების ფარგლებში დადებული არც ერთი ქვეკონტრაქტი არ ათავისუფლებს მიმწოდებელს ხელშეკრულებით ნაკისრი ვალდებულებებისაგან. ცალკეული მასალის ან/და მოწყობილობა-დანადგარების შეძენის, თანმდევი მომსახურების შესყიდვის მიზნით დადებული ხელშეკრულებები ამ ხელშეკრულების მიზნებიდან გამომდინარე არ ჩაითვლება ქვეკონტრაქტად. ქვეკონტრაქტორ(ებ)ის მიერ სამუშაოს შესრულების პროცესში მესამე პირებისათვის ზიანის მიყენების შემთხვევაში, ან/და სამუშაოს შეუსრულებლობის, ან არაჯეროვანი შესრულებისათვის, შემსყიდველის წინაშე პასუხისმგებელ პირს წარმოადგენს მიმწოდებელი;
- 5.1.12. შეასრულოს ტენდერის ტექნიკური დოკუმენტაციით განსაზღვრული მიმწოდებლის სხვა ვალდებულებები.

5.2. შემსყიდველი ვალდებულია:

- 5.2.1. უზრუნველყოს მიმწოდებლისათვის თანხის გადახდა ამ ხელშეკრულების პირობების შესაბამისად;
- 5.2.2. დროულად განიხილოს და აღმოფხვრას მის კომპეტენციაში შემავალი მიმწოდებლის მიერ წამოჭრილი თუ სხვა პრობლემები, რომლებიც აფერხებს ხელშეკრულების შესრულებას ან რომელთა გადაჭრაც გააუმჯობესებს ხელშეკრულების შესრულების პროცესს;
- 5.2.3. მიაწოდოს მიმწოდებელს ინფორმაცია აეროპორტის მუშაობის განრიგში არსებული ისეთი ცვლილებების შესახებ, რომელსაც გავლენა აქვს სამუშაოების მიმდინარეობაზე;
- 5.2.4. დაიცვას ხელშეკრულებით გათვალისწინებული პირობები.

5.3. მიმწოდებელს უფლება აქვს:

- 5.3.1. ხელშეკრულების შესაბამისად მიიღოს შესრულებული სამუშაოს დროული და სრული ანაზღაურება;
- 5.3.2. ჰქონდეს ინფორმაცია აეროპორტის მუშაობის განრიგში არსებული ისეთი ცვლილებების შესახებ, რომელსაც გავლენა აქვს სამუშაოების მიმდინარეობაზე;
- 5.3.3. მოითხოვოს შემსყიდველისაგან ხელშეკრულების პირობების დაცვა.

5.4. შემსყიდველს უფლება აქვს:

- 5.4.1. აწარმოოს ხელშეკრულების პირობების შესრულების მონიტორინგი;
- 5.4.2. აცნობოს მიმწოდებელს სამუშაოს შესრულების დროს აღმოჩენილი რაიმე წუნის შესახებ და მოითხოვოს მისი გამოსწორება;
- 5.4.3. პროექტის ავტორთან შეთანხმებით მოახდინოს პროექტის კორექტირება სამუშაო საჭიროებისამებრ;
- 5.4.4. არ მიიღოს უხარისხო შესრულება, მოითხოვოს ახლით შეცვლა ან ხარვეზის გამოსწორება;
- 5.4.5. უარი თქვას გაზრდილი ხარჯთაღრიცხვის ანაზღაურებაზე, თუ აღნიშნული წინასწარ არ ყოფილა შეთანხმებული მხარეთა შორის;
- 5.4.6. მოსთხოვოს მიმწოდებელს ხელშეკრულების ჯეროვანი, დროული და კეთილსინდისიერი შესრულება;
- 5.4.7. ისარგებლოს კანონმდებლობით და ამ ხელშეკრულებით მინიჭებული სხვა უფლებებით.

6. ხელშეკრულების პირობების გადასინჯვა

- 6.1. ხელშეკრულებაში ნებისმიერი ცვლილება უნდა გაფორმდეს მხარეთა მიერ წერილობითი ფორმით, ორივე მხარის მიერ ხელმოწერილი დამატებითი შეთანხმებით, რომელიც ამ ხელშეკრულების განუყოფელი ნაწილი იქნება.
- 6.2. ხელშეკრულების პირობების შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.
- 6.3. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია ხელშეკრულების ჯამური ღირებულების 10%-ზე მეტი ოდენობით გაზრდა.

7. მხარეთა პასუხისმგებლობა ხელშეკრულების დარღვევისას

- 7.1. მხარეების მიერ ხელშეკრულებით ნაკისრი ვალდებულების შეუსრულებლობა გამოიწვევს პასუხისმგებლობას მოქმედი კანონმდებლობის შესაბამისად.
- 7.2. ხელშეკრულებით ნაკისრი ვალდებულებების დროულად და ჯეროვნად შეუსრულებლობის შემთხვევაში, დამრღვევ მხარეს დაეკისრება პირგასამტეხლოს გადახდა, ყოველ ვადაგადაცილებულ დღეზე ვალდებულების შეუსრულებელი ნაწილის 0.1 %-ის ოდენობით.
- 7.3. ვალდებულების შეუსრულებელი ნაწილი მიმწოდებლის შემთხვევაში ნიშნავს გეგმა-გრანფიკით განსაზღვრული მთელი პუნქტის შეუსრულებელი სამუშაოების ნაწილის სახარჯთაღრიცხვო ღირებულებას, რომლებზეც მოცემული მომენტისათვის უნდა იყოს გაფორმებული შუალედური მიღება-ჩაბარების აქტი და არ არის გაფორმებული. ხოლო თუ აქტი გაფორმებულია, მაგრამ თანხა არის დაკავებული, მაშინ შეუსრულებელი ვალდებულების ფულადი გამოხატულება, რომელსაც პირგასამტეხლო დაერიცხება, არის ეს დაკავებული თანხა.
- 7.4. ვალდებულების შეუსრულებელი ნაწილი შემსყიდველის შემთხვევაში ნიშნავს იმ ვადამოსულ ფულად ვალდებულებას, რომელიც შემსყიდველს მოცემული მომენტისათვის არ აქვს შესრულებული ანუ გადახდილი.
- 7.5. პირგასამტეხლოს გადახდა არ ათავისუფლებს დამრღვევ მხარეს ხელშეკრულებით ნაკისრი ვალდებულებების შესრულებისაგან.

8. ხელშეკრულების შესრულების გარანტია

- 8.1. ხელშეკრულების შესრულების უზრუნველყოფის მიზნით გამოიყენება საბანკო გარანტია, სახელშეკრულებო ღირებულების --%-ის ოდენობით, რომელიც გაცემული უნდა იყოს საქართველოს ეროვნული ბანკის მიერ ლიცენზირებული საბანკო დაწესებულებიდან ან სადაზღვევო კომპანიიდან შემსყიდველთან შეთანხმებული ფორმის მიხედვით. მიმწოდებელი უფლებამოსილია, შემსყიდველის წინასწარი წერილობითი თანხმობით, შეამციროს გარანტიის მოცულობა უკვე შესრულებული და შესასრულებლად დარჩენილი სამუშაოს მოცულობის პროპორციულად. შემსყიდველი უფლებამოსილია, უარი თქვას

ამგვარ შემცირებაზე ანდა დათანხმდეს მხოლოდ ნაწილობრივ შემცირებას, თუ ამგვარმა შემცირების შედეგად გარანტიის მოცულობა რჩება იმდენად მცირე, რომ იგი ვეღარ იქნება დარჩენილი ვალდებულების შესრულების რეალურად უზრუნველმყოფი ინსტრუმენტი.

- 8.2. ხელშეკრულების შესრულების უზრუნველყოფის მიზნით მიმწოდებლის მიერ წარმოდგენილი საბანკო გარანტია შემსყიდველის მიერ გამოიყენება მიმწოდებლის მიერ ხელშეკრულების პირობების შეუსრულებლობის ან არასრულად შესრულების შემთხვევაში. გარანტია არის უპირობო და გამოუთხოვადი და მისი გამოყენება არ საჭიროებს რაიმე სახის პირდაპირ ან ირიბ დადასტურებას ან ნების სხვაგვარ გამოვლენას მიმწოდებლის მხრიდან.
- 8.3. ხელშეკრულების მოქმედების პერიოდში, თუ აუცილებელი გახდა გარანტიის კორექტირება, მიმწოდებელი ვალდებულია წარმოადგინოს განახლებული გარანტია, შემსყიდველის მოთხოვნიდან არაუგვიანეს 7 სამუშაო დღის ვადაში. გარანტიის დადგენილ ვადაში წარმოდგენლობის შემთხვევაში, შემსყიდველი უფლებამოსილია მიმწოდებელს დააკისროს პირგასამტეხლო, გარანტიის თანხის 0.01 %-ის ოდენობით, ყოველი ვადაგადაცილებული დღისთვის.
- 8.4. გარანტიის მოქმედების ვადა სულ მცირე 30 (ოცდაათი) კალენდარული დღით უნდა აღემატებოდეს ხელშეკრულების მოქმედების ვადას. მიმწოდებლის მიერ, ხელშეკრულებით გათვალისწინებული სამუშაოების სრულად და ჯეროვნად შესრულების შემთხვევაში, რაც უნდა დასტურდებოდეს მხარეებს შორის გაფორმებული შესაბამისი დოკუმენტით, შემსყიდველი უფლებამოსილია საკუთარი შეხედულებისამებრ, უარი თქვას გარანტიიდან გამომდინარე უფლებებზე და საბანკო გარანტიის დედნის გარანტისთვის დაბრუნების გზით, გააუქმოს საბანკო გარანტია ვადაზე ადრე.

9. გარანტია

- 9.1. შესრულებულ სამუშაოებზე საგარანტიო ვადა განისაზღვრება სატენდერო პირობების შესაბამისად.

10. ზოგადი დებულებები

- 10.1. მხარეები ხელმძღვანელობენ ურთიერთპატივისცემის პრინციპით. ხელშეკრულების მხარეები ვალდებული არიან გაუფრთხილდნენ თითოეულის სახელს, საქმიან რეპუტაციას და ღირსებას.
- 10.2. ხელშეკრულებით გათვალისწინებული პირობები დარეგულირდება მხარეთა შორის წერილობითი შეთანხმების გაფორმებით ანდა საქართველოს მოქმედი კანონმდებლობით.
- 10.3. მხარეები ვალდებული არიან დაიცვან ერთობლივი საქმიანობის შედეგად მათთვის ცნობილი მეორე მხარის კონფიდენციალური ინფორმაცია. კონფიდენციალურად მიიჩნევა ინფორმაცია, რომლის კონფიდენციალურობის შესახებაც ეცნობა მხარეს მეორე მხარის მიერ. კონფიდენციალობის დარღვევად არ ჩაითვლება შემთხვევა, როდესაც ინფორმაციის გამჟღავნება გათვალისწინებულია კანონმდებლობით.
- 10.4. მიმწოდებელს არა აქვს უფლება გადასცეს მესამე პირს თავისი უფლებები და მოვალეობები, შემსყიდველის წინასწარი წერილობითი თანხმობის გარეშე.
- 10.5. მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.
- 10.6. ხელშეკრულება შედგენილია ქართულ ენაზე, ორ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.
- 10.7. ხელშეკრულების ინტერპრეტაციისათვის ანდა მასში ხარვეზის არსებობისას, გამოიყენება საქართველოს კანონმდებლობის ნორმები.

11. ფორს-მაჟორი

- 11.1. მხარეები თავისუფლდებიან ვალდებულების დარღვევით გამოწვეული

პასუხისმგებლობისაგან, თუ ასეთი დარღვევა გამოწვეულია ისეთი დაუძლეველი ძალის ზემოქმედებით (ფორსმაჟორული გარემოება), რომლის წინააღმდეგ გათვალისწინება ანდა გონივრული მეთოდებით გადალახვა შეუძლებელია. ასეთი გარემოებებია (და არამხოლოდ) მიწისძვრა, ხანძარი, ქარიშხალი, დიდთოვლობა, წყალდიდობა, ეპიდემია, სამხედრო მოქმედებები, მესამე პირების გაფიცვები, სახელმწიფოს ცენტრალური ან ადგილობრივი ორგანოების გადაწყვეტილება ან გადაწყვეტილების არარსებობა, კანონმდებლობაში შესული ცვლილებები და მისთანანი.

- 11.2. ფორსმაჟორული გარემოების არსებობა უნდა იყოს საყოველთაოდ ცნობილი ან დადასტურებული უნდა იყოს კომპეტენტური ორგანოსა თუ დაწესებულების მიერ ოფიციალურად.
- 11.3. მხარე ვალდებულია, პირველივე შესაძლებლობისთანავე შეატყობინოს მეორე მხარეს ფორსმაჟორული გარემოების დადგომის შესახებ. წინააღმდეგ შემთხვევაში, მას უფლება ერთმევა, ვალდებულების შეუსრულებლობა გაამართლოს ფორსმაჟორზე მითითებით.
- 11.4. თუ ფორსმაჟორული გარემოება გრძელდება იმდენ ხანს (მაგრამ უწყვეტად არანაკლებ 10 და ჯამურად ხელშეკრულების მოქმედების ვადაში არანაკლებ 30 კალენდარული დღისა), რომ მისი მიზეზით ვერშესრულებადი ვალდებულების შეუსრულებლობა მხარის მიერ მეორე მხარისათვის ინტერესს უკარგავს ამ ხელშეკრულების კვლავ არსებობას, ამ მეორე მხარეს შეუძლია ცალმხრივად შეწყვიტოს ეს ხელშეკრულება. პირველ მხარეს არ აქვს უფლება მოითხოვოს ასეთი შეწყვეტით გამოწვეული ზიანის ანაზღაურება.
- 11.5. მხარეებს შეუძლიათ, ფორს-მაჟორის დადგომის შემთხვევაში, ურთიერთშეთანხმებით შეწყვიტონ, შეაჩერონ ან შეცვალონ ეს ხელშეკრულება.

12. ხელშეკრულების ვადა, შეწყვეტა

- 12.1. წინამდებარე ხელშეკრულება ძალაში შედის მხარეების მიერ მისი ხელმოწერისთანავე და ძალაშია მხარეთა მიერ მათზე დაკისრებული ვალდებულებების სრულ შესრულებამდე, მაგრამ არაუგვიანეს ----- ჩათვლით. ეს ვადა არ ეხება მე-9 მუხლით გათვალისწინებულ პირობებს.
- 12.2. ხელშეკრულება შეიძლება შეწყვეტილ იქნას:
 - 12.2.1. ურთიერთვალდებულებების შესრულებით;
 - 12.2.2. მხარეთა შეთანხმებით;
 - 12.2.3. ცალმხრივად შემსყიდველის მიერ, თუ მიმწოდებელი უხეშად ან/და არაერთგზის დაარღვევს თავის სახელშეკრულებო ვალდებულებას;
 - 12.2.4. ცალმხრივად მომწოდებლის მიერ, თუ შემსყიდველი ერთ თვეზე მეტი ვადით აგვიანებს ორმხრივად ხელმოწერილი მიღება-ჩაბარების აქტის საფუძველზე გადასახდელი თანხების სრულად გადახდას.
 - 12.2.5. საქართველოს მოქმედი კანონმდებლობით გათვალისწინებულ სხვა შემთხვევებში.
- 12.3. ხელშეკრულების ცალმხრივად შეწყვეტის შემთხვევაში, მხარემ შეწყვეტამდე 10 დღით ადრე უნდა აცნობოს მეორე მხარეს ამის შესახებ.
- 12.4. თუ 12.1. პუნქტში განსაზღვრული ხელშეკრულების ვადის ამოწურვის დროისათვის დარჩენილია გამოუსწორებელი ხარვეზები, მხარეები შესაბამისი ვადით გააგრძელებენ ხელშეკრულების მოქმედებას. ეს პუნქტი არ ახდენს გავლენას ხელშეკრულების ცალმხრივად შეწყვეტის უფლებაზე.

13. დასკვნითი დებულებები

- 13.1. წინამდებარე ხელშეკრულება შედგენილი და მხარეთაგან ხელმოწერილია შევსებული სახით ორ თანაბარი იურიდიული ძალის მქონე ეგზემპლარად თითოეული მხარისთვის;
- 13.2. წინამდებარე ხელშეკრულებას ერთვის დანართი 1 – ხარჯთაღრიცხვა, დანართი 2 - გეგმა-გრაფიკი და დანართი 3 - ტექნიკური დავალება. აღნიშნული დანართები წარმოადგენს ხელშეკრულების განუყოფელ ნაწილს.

14. მხარეთა რეკვიზიტები

„შემსყიდველი“

„მიმწოდებელი“